

svoj dug opštem razvoju i napretku, vide to ostvarenje kroz dalje obrazovanje i usavršavanje; organizovan naučnoistraživački rad, te organizovanjem na ustavnim principima i Zakonu o udruženom radu, u čemu i vide svoj dalji progres.



DOSADAŠNJA AKTIVNOST I BUDUĆI

ZADACI SAVEZA GEODETSKIH INŽENJERA I GEOMETARA BIH

Savez geodetskih inženjera i geometara Bosne i Hercegovine, kao društvena organizacija je od svog osnivanja uključen u sva društvena kretanja na putu razvoja i izgradnje našeg Socijalističkog društva. Kao stručni savez naročito je angažovan i daje svoj doprinos razvoju geodetske djelatnosti, prati i pomaže razvoj geodetske proizvodnje, uprave i školstva.

Generacija geodetskih inženjera i geometara koja je imala istorijsku čast da učestvuje u revoluciji i promjeni cjelokupne društvene strukture naše zemlje, koju je organizovano počela i uspješno završila Komunistička partija Jugoslavije na čelu sa drugom Titom, svjesno i ne-sebično se uključili u obnovu izgradnje ratom porušene zemlje.

Za izvanredne napore, uložene na obnovi i izgradnji postojećih i novih naselja, rudnika, fabrika, pruga, puteva, mostova itd. ova generacija zaslužuje poštovanje. Ona je utemeljila ugled geodetskih inženjera i geometara kao dijela radničke klase Jugoslavije i ukazala put novim generacijama geodetskih stručnjaka, koji svake godine dolaze u proizvodnju.

Djelovanje geodetskih inženjera i geometara Bosne i Hercegovine u proteklom periodu palo je u vrijeme najkrupnijih promjena u životu naše Zemlje: rušenju starog buržoaskog-monarhističkog režima i stvaranje Socijalističke federativne Jugoslavije, koju čine suverene i samoopredjeljene republike i pokrajine, i uvođenju sistema samoupravljanja u sve pore života, kao najprogresivnijeg modela socijalizma. U isto vrijeme se gradila moderna privreda, koja je zahtjevala još veće napore i angažovanje svih progresivnih snaga društva. Danas sa zadovoljstvom, možemo konstatovati da su naše organizacije i članstvo izvršile svoj dio zadatka, jer su se u svim fazama nalazile na strani progressa, koji je svojom akcijom i ideološkim usmjeravanjem trasirao Savez Komunističke Bosne i Hercegovine u okviru kompaktne politike SK Jugoslavije.

Savez geodetskih inženjera SR BiH aktivno je saradjivao sa svim stručnim, društvenim i društveno-političkim faktorima u Republici. Svakako da se ta saradnja ogleda kroz razne vidove i akcije ovoga Saveza koje su od vitalnog značaja bile za naš Savez. Ilustrovaćemo značajne akcije i kontakte ovoga Saveza.

Svojim prijedlozima kontaktima i stavovima Savez je bio inicijator osnivanja Više geodetske škole u Sarajevu.

Savez je bio inicijator kod donošenja Zakona o programiranju i finansiranju geodetskih radova.

U saradnji sa Republičkom geodetskom upravom Savez je inicijator i pokretač premjera grada Sarajeva, čije su podloge i mreže, visokog kvaliteta.

Savez je u više navrata pokretao akciju oko formiranja jedinstvene službe u gradu Sarajevu, međutim, ova inicijativa nije dala rezultate tako da je geodetska služba u gradu Sarajevu i dalje ostala razbijena po grupama.

Savez ima velike zasluge kod donošenja tehničkih normativa i pravilničkih propisa koji je svojom diskusijom, mišljenjima i prijedlozima dao odredjeni doprinos.

Savez izdaje časopis "Glasnik" već 10 godina i dostavlja ga svim članovima, a tim se ostvaruje saradnja i informisanost većeg broja članova.

Savez je inicijator formiranja Kartografske službe u našoj Republici.

Savez je u saradnji sa Republičkom geodetskom upravom i Katedrom za geodeziju pri Gradjevinskom fakultetu u Sarajevu bio inicijator osnivanja Geodetskog smjera pri Gradjevinskom fakultetu.

Komisija za visoko obrazovanje od svog formiranja do danas izuzetno je aktivna. Njena aktivnost i rezultati rada ispoljeni su kod osnivanja Geodetskog smjera na gradjevinskom fakultetu, kod donošenja plana i programa nastave, a naročito se zalagala da se omogući školovanje uz rad na geodetskom smjeru. Rezultati ovih zalaganja su na pomolu tako da možemo uskoro očekivati upis prvih vanrednih studenata u 1978/79. školskoj godini, tako da naši kadrovi neće odlaziti na doškolovanje u Zagreb.

Savez je saradjivao sa Republičkom konferencijom SSRNJ po svim važnijim pitanjima, međutim, ova saradnja u narednom periodu treba biti veća i obostrano izvršena, jer smo mi sastavni dio SSRNJ.

Ovo su samo neke od akcija ovoga Saveza, ali svakako da se ove i ostale akcije ne bi mogle realizovati da nije bilo bliske saradnje Saveza sa svim stručnim, društvenim i društveno-političkim faktorima, i masovne podrške članstva. To ukazuje da akcije Saveza održavaju potrebe i interese njegovih članova.

Veliku aktivnost u svom radu Savez je ispoljio na stručnom uzdizanju svog članstva, što se može zaključiti iz održanih kurseva i predavanja od kojih ćemo navesti samo ona koja su bila najuspješnija i najbrojnija.

Skraćeni prvi kurs iz fotogrametrije u ciklusu od 6 predavanja /1957.god./.

Ciklus od 12 predavanja o najnovijim geodetskim instrumentima i metodama rada /1958.god./.

Šest predavanja s projekcijama i filmom o "Aerofotogrametriji i fotogrametrijskom snimanju" /1954-1957 god./ . Svih šest predavanja s projekcijama održani su u Banja Luci i Mostaru.

Ciklus od sedam predavanja sa temom "Problematika i Tematika stručnih ispita" za mlađe članove Saveza. Predavanja su održana u Sarajevu, Mostaru i Banja Luci.

Ciklus predavanja "O primjeni elektronike i kibernetike u geodetskoj struci".

Više predavanja su održali članovi Saveza na temu "Dostignuća u geodetskoj djelatnosti" i slično.

Ciklus predavanja iz oblasti savremene fotogrametrije 1957. godine.

U proteklom periodu održano je preko 100 predavanja sa raznom stručnom tematikom, što po opštem utisku ostavlja dojam da je Savez geodetskih inženjera i geometara u svom radu posvetio veliku pažnju stručnom uzdizanju svojih članova.

Savez je bio organizator i niz veoma uspješnih savjetovanja i izložbi. Savjetovanje o primjenjenoj geodeziji /1961.god./.

Dva savjetovanja o stanju i katastru u Bosni i Hercegovini te put i način unapređenja i proširenja djelatnosti rada katastarskih ureda.

Više republičkih savjetovanja o produktivnosti rada.

1968.godine ovaj Savez je organizovao IV Kongres Saveza geodetskih inženjera i geometara Jugoslavije, uz organizaciju izložbe geodetskih instrumenata i pribora.

1971.godine organizovana je takodje stručna izložba i sastanak FIG-ine Komisije za katastar i procjenu zemljišta.

1974.godine Savjez je organizovao savjetovanje o inženjerskoj geodeziji sa izložbom geodetskih instrumenata i pribora.

Na razna savjetovanja i naučno stručne međunarodne manifestacije Savez je slao svoje zaslužne članove čiji su susreti i iskustva sa geodetskim stručnjacima tih zemalja doprinosili primjeni savremenijih metoda rada u geodeziji.

- U 1972. god. na jednu medj. manifestaciju
- U 1973. god. na jednu " "
- U 1974. god. na dvije " "
- U 1975. god. na četiri " "
- U 1976. god. na dvije " "
- U 1977. god. na dvije " "

Savez je posvetio odredjenu pažnju i zabavnom životu, te je u tom smislu organizovano 17 drugarskih večeri i tri stručne ekskurzije.

Budući ciljevi i zadatci organizacije geodetskih inženjera i geometara većim dijelom proizilaze iz prijedloga Statuta, koji je danas na usvajanju, a koji je uskladjen sa Ustavom SR BiH, Zakonom o udruženom radu, Statutom SIT BiH, Statutom SGIG-a Jugoslavije i dokumentima RK SSRN BiH, kojima se definišu položaj i orijentacija Saveza i udruženja građana. Pored toga, njih opredjeljuju i dosadašnja aktivnost i rezultati, čiji je znatan dio, u kontinuitetu, neophodno nastaviti i u narednom periodu.

Kao naročito važan zadatak navodimo potrebu da se svi zainteresovani faktori, angažuju na realizaciji i novog Statuta, koji predpostavlja organizovanje Podružnica u svim regionima. Time bi bili stvoreni uslovi za stvarnu i potpuniju primjenu delegatskog sistema i razvijanje stvaralaškog djelovanja geodetskih inženjera i geometara u sredinama gdje rade i žive. Pored toga, to bi omogućilo kvalitetnije konstituisanje republičkog i Jugoslovenskog Saveza GIG-a.

Ocjenjujemo da realizacija ovog veoma važnog zadatka neće ići bez poteškoća. Pored toga, još u fazi konstituisanja novih Podružnica, treba novo Predsjedništvo i Izvršni odbor da ulože velike napore i pomognu tim Podružnicama da u program svog rada unesu odredjeni kvalitet i zainteresuju članove na saradnju. Buduća organizacija Saveza GIG-a BiH upravo treba da počiva na tim čelijama društva. Potrebno je upravo objašnjavati da organizovanje na novim principima nije sebi svrha, već da ono treba da obezbijedi kvalitetno djelovanje i afirmaciju Podružnica i članova u sadašnjoj etapi društvenog razvoja, u interesu svih članova i razvoja struke.

Polažeći od iskustva iz prethodnog perioda a imajući u vidu savremena kretanja i razvoj nauke, tehnike i tehnologije te obaveze za dalji razvitak samoupravnog socijalističkog društva, aktivnost Saveza geodetskih inženjera i geometara trebanaročitoda bude usmjerena na:

1. Razvijanju stručnih i društvenih aktivnostiusmjerenih prema članstvu i za članstvo. U tom smislu treba obezbijediti što veći uticaj članova na rad njihovih organizacija i rješavanje društvenih, stručnih i drugih pitanja od interesa za geodetske inženjere, geometre i geodetsku struku.

2. Posebno mjesto u razvojnoj aktivnosti Saveza treba da pripadne savjetovanjima, seminarima i stručnim predavanjima na kojima geodetski stručnjaci treba da iznesu rezultate svog istraživačkog rada, svoja stručna iskustva, probleme i prijedloge. Savjetovanja su stručne manifestacije gdje se korisnici geodetskih podloga upoznaju sa radom i problemima struke i članova Saveza.

Treba nastojati da savjetovanja budu posjećena od što većeg broja članstva Saveza.

3. Organizovati analizu sadašnjeg stanja i potreba geodetskog kadra, na osnovu čega bi se formirali odgovarajući prijedlozi i planovi školovanja geodetskih kadrova.

Već su dvije generacije upisane na geodetski odsjek Tehničke škole u Banja Luci, a sada će i treća. Ova škola neće dati zadovoljavajući kadar ako ne bude snabdjevena odgovarajućim instrumentima i zadovoljavajućim kadrom. Podružnica Saveza u Banja Luci treba ostvariti blisku saradnju sa školom, pomagati im u razrješavanju ovih problema i ukazati na propuste.

Prilikom formiranja prijedloga o načinu školovanja i donošenja odgovarajućih nastavnih planova i programa pribaviti mišljenja društveno-političkih zajednica, Geodetske uprave, geodetskih radnih organizacija i cjelokupnog članstva Saveza.

4. Naučno-istraživačkoj djelatnosti u geodetskoj struci treba posvetiti veću pažnju. Treba odlučnije i upornije proizlaziti odgovarajuću organizacionu formu i načine obezbjeđenja sredstava za finansiranje naučno-istraživačkog rada za područje geodetske djelatnosti.

5. Treba pravovremenodonošiti stručne propise, koji bi adekvatno pratili savremeni razvoj geodetske struke. Prilikom diskusije o novim zakonskim i pravilničkim propisima neophodno je obezbjeđiti učešće članova Saveza.

6. Savez geodetskih inženjera i geometara BiH treba da pojača svoju aktivnost na pomaganju i davanju inicijative za samoupravno sporazumjevanje između radnih geodetskih organizacija, fakulteta, škola i organa uprave nadležnih za geodetske poslove. Ovako sporazumjevanje doprinjet će boljem planiranju kako u školi, fakultetu i radnim organizacijama tako i u organima uprave.

7. Savez GIG-a BiH treba da saradjuje sa Podružnicama Saveza u radnim organizacijama na iznalaženju mogućnosti kompletiranja geodetske proizvodnje u republici.

8. Sve više se radi na snimanju i izradi katastra podzemnih instalacija te vršenju raznih geodetskih usluga. Kod donošenja izmjena propisa koji regulišu ovu oblast geodetske djelatnosti, sve Podružnice Saveza trebaju dati svoj doprinos.

9. Otvaranje posebnog računa za geodetske usluge u Skupštinama opština imalo je višestruku korist. Materijalno su ojačale geodetske službe. Sredstva su namjenski usmjerena i pripadala su onima ko ih ostvaruje. Sve više se išlo ka slobodnoj razmjeni rada i proširenja materijalne baze geodetske službe u Skupštinama opština. Međutim, neke Skupštine opština nisu omogućile formiranje i namjensku raspodjelu ovih sredstava tako da su geodetske službe u tim opštinama ostale siromašne bez potrebnih instrumenata, pribora, vozila i slično. Treba nastojati da sredstva pripadaju onome ko ih realizuje.

10. U SR Hrvatskoj i Sloveniji u posljednje vrijeme organizuje se svake godine "Dan geodeta". Buduće predsjedništvo treba nastojati da ovakav vid saradnje organizuje i u našoj republici.

11. Činjenica je da postoji veliki broj geodetskih stručnjaka u SR BiH koji nisu učlanjeni u naš Savez. Podružnice treba da usmjere svoju aktivnost na pronalaženju što sadržajnijeg rada kako bi zainteresovale i aktivirale što veći broj geodetskih stručnjaka.

12. Veoma ispoljene karakteristike u radu i djelovanju SGIG-a BiH je njegovo "starenje" koje se ispoljava u sve manjem prisustvu mlađih kadrova u organima i aktivnostima svih vidova. To je veoma ozbiljan problem, koji zahtjeva studiozno ispitivanje i efikasne mjere za poboljšanje stanja.

Kao prva mjera na otklanjanju ovakovog stanja trebalo bi za nove organe SGIG-a Bosne i Hercegovine, sve do Podružnice obezbjediti izbor što većeg broja mladih inženjera i geometara. Sigurno je da bi oni donijeli svježiji duh i shvatanje, koja su bliksa samoupravnim socijalističkim procesima i odnosima u proizvodnji, koji u zadovoljavajućoj mjeri ispoljavaju i savremenu društvenu orijentaciju i politiku.

13. Posebnu pažnju treba posvetiti razvoju međunarodnih odnosa i razmjeni stručnjaka na raznim stručnim manifestacijama.

14. Veoma značajan uslov za poboljšanje rada Saveza geodetskih inženjera i geometara BiH je dalji razvoj izdavačke djelatnosti. Izdavanje "Glasnika" punih 10 godina, iako neredovno zbog nedostatka finansijskih sredstava i ostalih poteškoća sa kojima se uredništvo suočavalo, upotpunilo je veliku prazninu. To je jedino glasilo geodetskih inženjera i geometara BiH pa treba činiti trajne napore da se održi i stalno poboljšava.

Izlaženje "Glasnika" je višestruko potrebno, a prije svega kao sredstvo za informisanje članova o nekim važnijim zbivanjima i aktivnostima u organizacijama SGIG-a BiH. Pored toga "Glasnik" pruža šansu za objavljivanje naučnih i stručnih radova članova, a posebno za iznošenje stavova i mišljenja po pojedinim pitanjima.

15. Važna komponenta djelovanja i razvoja SGIG-a BiH je dalje produbljivanje saradnje sa SGIG-a Jugoslavije, SIT-u BiH, kao i sa drugim organizacijama SIT BiH i SGIG-a ostalih republika i pokrajina.

Konstituisanje sadašnjih organa SGIG-a BiH izvršeno je na delegatskom principu, pa se kao važan uslov za razvoj ove saradnje javlja aktiviranje delegata SGIG-a BiH u tim organima. Tome i novi organi SGIG-a BiH, koji će biti izabrani na ovoj Skupštini treba da posvete konstantnu pažnju, kao važnom činiocu za ocjenu rezultata njihovog rada i uspjeha.

Ne smatramo da smo u ovom izlaganju obuhvatili sve zadatke organizacije SGIG-a BiH u narednom periodu. Izloženi su neki, po našoj ocjeni, najvažniji zadatci i pravci na kojima treba vršiti usmjeravanje budućih akcija. Mnoga konkretna rješenja će odražavati trenutnu situaciju, a novi zadatci će proizilaziti iz faza razvoja našeg društva, čiji je ova organizacija integralni dio.

Na kraju želimo iznijeti svoje mišljenje da saradnja Republičke konferencije SSRN BiH i Saveza GIG-a BiH treba biti veća. SGIG-a BiH zaslužuje veću i neposredniju brigu i pažnju društva, a posebno RK SSRN BiH.

Želimo dalje uspjehe u razvoju i radu SGIG-a Bosne i Hercegovine.

PREDSJEDNIŠTVO